

# Powšitkowne WOZJEWJENJA

njedźelu, 22. měrca 2020

## Kemše live z Radworja

Serbskorěčnu Božu mšu móža wěriwi tutu njedźelu, 22. měrca, w 9 hodž. jako live-stream w interneće scěhować. Wona přenjese so z Radworja. Wosadny farar Beno Jakubaš změje na nich swoje lětuše póstne předowanje. Link k wusyłanju přez internet je na stronje [www.posol.de](http://www.posol.de) podaty. Štóž nima přistup k internetej, móže Božu mšu w samsnym času přez scelak MDR-Serbski rozhlós přijimać.

## Katolski Posoł k nuzy přez internet

By-li w přichodnym času coronoweje krizy dla k tomu dóńc dyrbjało, zo njehodži so Katolski Posoł hižo čišćeć abo roznošować, chce redakcija jón wšitkim pod [www.posol.de](http://www.posol.de) w formaće PDF k dispoziciji stajić. Štóž nima přistup k internetej, njech prosy druhich wo to, zo bychu jemu strony wučišćeli.

## Pytaja kubłarku abo kublarja

Radworski Katolski serbski džěćacy dom „Alojs Andricki“ pyta wot 1. apryla kubłarku abo kublarja. Nadrobniše informacije poda wjednica Andrea Henichowa, telefonowe čisło (03 59 35) 20 717.

## Wobsah Katolskeho Posoła 2019

Wobsah Katolskeho Posoła za lěto 2019 je dozestajany. Wšitcy, kotřiž chcedža sej lětnik zwjazać dać a wobsah sobu zapřijeć, móža sej dataju w formaće pdf z internetoweje strony [www.posol.de](http://www.posol.de) wučišćeć. Štóž tule móžnosć nima, njech wobroći so na redakciju Katolskeho Posoła w Budyskim Serbskim domje pod telefonowym čisłom (0 35 91) 55 02 12.